

2

TR
233.79
41

EN240.127
41
2

新
冒
縣
志



新昌縣志卷二

山川

自古言山水者皆本禹貢禹導南紀江漢之間以衡山為宗由衡陽循嶺徼東達浙中為南紀終極浙中山水原自江西林歷山分浙西浙東二支浙東之山由衢而處而金而台達新邑東南天姥山蜿蜒五十餘里至縣治為一邑之主山其西南祖山曰王會山曰安頂山環繞於西南之間其東北祖山曰菩提峯曰羅坑山曰黃柏尖曰大湖山環繞於東北之間無不自東南來共祖大盤山新邑分三大溪縣治之水發源天台石梁經縣治東舊名東溪居新邑之中其西澄潭溪發源東陽界其北黃澤溪發源甯海奉化界一自南而西一自東而北悉會於剡溪此新邑山川之大略也

自大盤山

東陽縣志山高五百丈形如覆盤故名

東南百餘里直至王會山過關嶺越

龍皇堂岡上萬年山

天台縣志中有萬年寺因名

折而西北入牛牯嶺盤亘二十

里層巒疊嶂蒼然天表曰天姥山其最高峯名撥雲尖而大尖細尖次之為一邑諸山之主

新昌縣志卷二

山川山

天姥山 縣東五十里高三千五百丈圍六十里南為蓮花峯

北為芭蕉山道家稱為第十六福地

萬歷志

山狀如鬢女因名

天台

縣志

明邑人董曾賦

客有問於沃洲處士曰蓋聞會稽山水沃洲天姥為之眉目然沃洲則修竹平津王謝之所棲息靈泉古刹支竺之所駐錫余固嘗聞其畧矣若夫天姥之耳邊清猿杜少陵之佳句可考空中天雞李謫仙之夢遊甚奇亦豈有敷其實而剖其的者乎吾於此焉是處斂耀藏英目有所嘗擊足有所嘗經天姥之勝亦既厭聞而飫觀之矣願子發邱壑之奇蘊杼煙霞之深情博我以天姥啟我以地靈處士曰唯唯天姥之山表乎東南實為新昌下擘劃乎后土上撓拂乎穹蒼左傾赤城華頂之攢巒右俯會稽秦望之崇岡四明僕趨于其後王山秀拱于其陽靈貫斗牛之墟雄鎮於越之疆剡溪若一線之索紆東海僅杯水之汪洋巖業業攙攙搶搶根盤薄其幾里名烜熾乎一方吐瑞靄而吸祥煙紛兔彩而隔日光色沉沉其欲雨氣肅肅以成霜遠而望之若雲鵬之投翅近而察之如陣馬之騰驤青翠崱崴峇嶮特出側者弁俄端者圭立或谷而杳或阜而突峭岳嵒變修嶺盤屈千姿百態變化歛忽夕暉映而絳氣扶疏宿雨霽而浮嵐勃鬱藹然春茂之繁華瘁爾秋凋之風骨信良工之莫繪雖辨口其奚述陟之者神恍恍于青都仰之者目瞪

瞻於天關茲蓋幽怪之所憑陵猛鷲之所巢穴也至若松濤動壑寒聲回薄竹翠連空煙光重疊巖棲異卉澗老青楓有柘而瑞有泉而蒙黃精委輕身之餌白朮任厥貢之供金芝連莖而焯灼瑤草濯秀以玲瓏琥珀幻千年之松脂琅玕吐萬丈之白虹翠壁如削丹崖可礪洞扉蹒躅以傍啟地道黝糾以潛通石嶺其踞虎木偃蹇其游龍瀑流飛洩以夏寒巖電閃礫以霄紅蒿苔想謝公之履窈窕徑憶劉阮之仙踪安期羨門金母木公徘徊雲舉蒼茫鴻濛清虛羽仙之館窈窕而王之宮寶閣霞擁昧宇雲封廊殿暮鼓晨鐘或朱其頰或青其瞳或龐眉而圓頂或雪鬢而冰容或導引以辟穀或跌坐而談空丹成九轉教演六宗拍肩而足揖袂赤松傲圭組於物表等蓬閣於壺中是皆所以示不滅之相鍊冲舉之功雖虛寂之不足尚要皆有以闡元化而躡仙風也客曰子之所陳博矣大矣宏矣麗矣偉哉茲山誠仙佛之窟宅煙霞之原委子勿謂乎支離予請得而議擬然是山也匪宅中土匪奠奧區跡遠界乎蠻陬名近觀乎異書職方之紀蔑有禹貢之載缺如周穆西遊之轍詎臻乎絕境秦皇東駐之蹕卒限於修途既無預於五岳之時巡烏有乎萬歲之嵩呼此所以不獲衍金册玉函之秘遂溼沒乎一隅禽鳥啁唧其若訴案桂黯慘其若愚老煙嶂之胎禽怨月嶠之於菟諒人生之取舍亦物理之同符苟茲山之可移屹萬仞於通都蓋將有以掩西華而觀南極詎元嶠而誇方壺玉帛於焉以旁午冠蓋於爾乎躊躇又何有林扃之爭諂窳徑之藜蕪哉處士悚然不怡曰嗚呼冠蓋於爾乎躊躇又何有林扃之爭諂窳徑之藜蕪散朴以澆雖考古之簡牒而泥金檢玉之耻實陵民之脂膏彼嵩岱之受汚亦嶧嘯之獻嘲吾子固乃扶彼以議此誤貶而謬褒是猶欲禍犧牛以文錦之炫爛戚

新昌縣志卷二

山川山

一一

鷓鴣以鐘鼓之噉嘈倘天姥之有知也縱不能如北山之移文以杜安鸞亦將有以類巢由之洗耳以避唐堯矣乃歌曰清風皓月兮茲山之高勝人韻士兮茲山之遭一塵不點兮何取乎輪蹄之躡轢牲酒之醮爨歌既終於是俯抑怡神山青雲白客赧其言逡巡避席原志

關嶺 縣東七十里與天台接壤 志一統 唐時置關戍守嶺由是

得名 詳大事紀及古蹟門

牛牯嶺 縣東七十里

附東山 縣東五十里 原志

明邑人甄圭詩
深塢人稀到重門
畫亦關白雲秋
舍靜明月夜窗閒
徑掩花開落簾
通燕往還窮居聊自適
却憶謝東山

飛虎嶺 縣東六十里

大獅山 縣東十五里

金魚山 縣東七十里

藤公嶺 縣東六十五里

毛羊嶺 縣東六十里

冷水嶺 縣東六十里

由天姥山而西出會墅嶺過洪洞邱上柿樹岡峯巒重疊曲折至相見嶺皆自東而西者也其自柿樹岡北折為木隊山分三支一由木隊至天聰山一由木隊至小余山一由木隊至黃婆亭三者皆其分支耳

會墅嶺 縣東五十里 萬歷志

天台齊召南會墅嶺上望沃洲山詩登嶺無冬夏嵐氣冷虛空今來稍晴暖江樹含空濛南望天姥岑峩峩白雲中逢僧話沃洲指點前山東列嶂海湧濤鼓盪隨颶風奔崖躍神駿老樹森高狎養馬放鶴人遙遙想支公未知王許後遊眺誰復同郵亭無別徑且問煮茶翁

相見嶺 縣南三十里

木隊山 縣東三十里山多雜木一名抹黛山 萬歷志

小余山 縣東三十五里 萬歷志 旁有踞虎巖 原志

新昌縣志卷二

山川山

三

九巖山 縣東三十里柘溪水所出 一統志 上有九巖故名 原志

天聰山 縣東十五里 萬歷志

附南山 縣南四十里脉從天姥山來羣峯疊拱如環城內稍寬廣容數百家其景有八 寒雲千疊山 縣東三十里高二百餘丈四面層崖如疊地氣

明知縣田瑄詩 崎人築室跨南山八景悠然出世 楊養晦詩 松竹陰森護上方老仙蓬髮一簪霜閒來

間環帶水從軒外繞翠屏人在畫中還馬潭曲澗流宗澤鹿嶺懸崖壯士關龜玉羅文呈瑞彩應知靈傑却非閑 三山 縣南二十里三峯並立

柘溪東山 縣東八里山下小山 如圓月 萬歷志

石溪山 縣東八里一名紫金魚袋山 原志

由相見嶺折而北至西山頂東過石溪望師亭而達於東門書案山下為縣治則書案山又縣治之主也縣治之西又分三支一自

黃泥岡至旗山一自挂簾山至鼓山又分一支為石城山均回抱西南為縣治保障也

書案山 一名五山五峯相連如貫珠正對學宮儼如書案降而平衍為縣治卽邑之來脉山萬歷志

明尚書何鑑詩五山巖業倚空起秀拔東南數十里古木蒼藤翳日陰匡廬峭壁渾相似吾家舊住此山前倒指今過五百年從來地靈出人傑胡為寂寞成虛傳

明侍郎呂獻詩三疊山如玉案形泮宮門外滴空青筆峯掃盡煙雲勢驚見文章耀日明

鼓山 在縣西五里其形如鼓嘉泰會稽志又名屏山脉自旗峯降

於平衍巋然特起圓頂若鼓若屏有泉池可田山橫截水滸為

邑之門戶萬歷志詳古蹟門

明尚書何鑑詩

新昌縣志卷二

山川 山

步出西郊日已晡眼中突兀一山孤包欄風氣如屏障壯觀封疆入畫圖邱壑嵐光人自愛雲林晴色鳥爭呼望迷禾黍連千畝路轉荆榛入坦途遠脉孕鍾天姥秀長川壤接剡溪紆祇知我邑為輕重不管鄰封曾有無書院空傳遺故址道流今已作仙都從來勝地多方外自昔登臨屬士夫壯志有懷投筆早虛名無負守株迂晚來絕頂終須上笑覽乾坤醉玉壺

旗山 縣西七里其形如旗一名天樂又名瑤山萬歷志

附南明山 在縣南五里一名石城一名隱岳中有寶相寺

嘉泰會稽志形若駱駝下有寶山稱駱駝卸寶乃邑之寶山也

萬歷志按舊志南明石城分爲二山嘉泰會稽志乾隆府志俱合爲一今從之志稿并詳古蹟門

眠犬山 縣西三里萬歷志

雞峯山 縣西五里原志

滑石山 縣南十五里萬歷志

雙笏山 縣南五里萬歷志

平山 縣南五里萬歷志

挂簾山 縣東南三里其形如簾旁有象蹄山萬歷志

石牛山 縣西三里萬歷志

下金山 縣西五里萬歷志

虎隊嶺 縣東五里 萬歷志

敗兵嶺 縣西五里 萬歷志

東嶺 縣西五里 萬歷志

百步街嶺 縣南三里 遊石城者多由此 原志

塹嶺 縣西十里 萬歷志

天姥山之後其原於萬年山者三一自馬坑至茅洋一自馬坑過三十六渡至白菊一自地藏寺過東山至平頂三者皆天姥之護山其由天姥北出為芭蕉山為斑竹山為西尖山為劉門山極巖而止此為天姥北分之支山也其由斑竹山東至靈柘由風香嶺東至溪西則又為二支山矣

芭蕉山 縣東四十八里

斑竹山 縣東四十里

新昌縣志卷二

山川山

西尖山 縣東三十五里

劉門山 縣東三十里 嘉泰會稽志詳古蹟

風香嶺 縣東四十里

天姥山之前其由柿樹岡向西行別出高山過青嶺越任胡嶺逕馬鞍山與大頭山出紅巖過上馬嶺趨南巖龍亭山極於嵯之南境此為天姥西分之支幹也

青嶺 縣南三十里 萬歷志

任胡嶺 縣南三十里 萬歷志

明呂升詩
路陟任胡嶺 人家總姓任 不知春去盡 祇覺樹都深 啼鳥我所愛 好山誰共吟 平生行樂處 物是知人心

馬鞍山 縣西四十五里

大頭山 縣西三十五里

上馬嶺 縣西十五里 萬歷志

南巖山 縣西十五里 萬歷志 詳古蹟

龍亭山 縣西二十里

附巖屏山 縣南三十里名蒼龍 戲珠山 萬歷志

紗帽山 縣西二十餘里 萬歷志

紫石山 縣西二十里 一名鐵牛山

西山 縣西十五里 萬歷志

產芝之嶺 縣西南二十里 原志

茅洋山 縣西三十里 萬歷志

蜈蚣山 縣西二十里 萬歷志

箎山 縣西二十里

石馬山 縣西十五里

喬木嶺 縣西南二十里又名天燭嶺 萬歷志

新昌縣志卷二

山川 山

南巖嶺 縣西二十里 萬歷志

王羊嶺 縣西二十里

三望嶺 縣西二十五里

天竹嶺 縣西二十五里

水竹嶺 縣西二十里

岳家嶺 縣西二十里 萬歷志

梅姑嶺 縣西二十五里

天姥山之左而屬於南鄉者曰王會山曰安頂山為南鄉諸山之祖其在王會安頂之間則有洩上山其在安頂之西而發脉於東陽玉山者則有小遁山是又為西鄉之支山矣
王會山發脉大盤山復過梅渚嶺而來實中國東南之一大幹其由王會北分黃里山復起烏竇山而下極於雙溪幅幘十餘里自成一局俗名為小烟山云

王會山 縣南八十里

黃里山 縣南七十里

烏竇山 縣南六十五里

附 王會嶺 縣南八十里 與天台界

仰船嶺 縣南七十里

撞潭嶺 縣南七十里

烏竇嶺 縣南六十五里
碾頭嶺 縣南六十五里

安頂山亦自梅渚嶺過脉由公善嶺而來固與王會山同脉由安頂過直嶺至平端頭分東西兩大支東支出東安嶺至烏石又分二支一出長虬至門溪一出河塘至李間西支出上庫至小朱嶺又分四支一出彩烟墩至長虬一出彩屏墩至石蟹嶺一出彩峯

新昌縣志卷二

山川山

墩至白茅坑一出巖泉至穿石總名曰彩烟山直五十里橫四十二里四圍環繞自成一大局

安頂山 縣南九十里三峯屹立左曰青山右曰藥山中曰安

頂頂有三州潭卽彩烟山之祖 探稿

彩烟山 縣南八十里與東陽縣界其上平衍勢盤旋施蒨四

面皆崇山峻嶺居民雜處其間 萬歷志

宋無逸詩

吾聞沃洲天姥間又有彩煙之高山山上之岡三十里平視沃洲浮青鬢其中隱者吾所羨身世常與白雲閒種朮可療九州疾種稻自給千家餐橘柚棗栗與桑柘種者不少資者繁

楊文俊詩

環宇何寥廓吾家住彩煙攀蘿登峻嶺洗屐有流泉蒼翠千山樹膏腴萬頃田桑麻橫檻外雞犬繞籬邊白朮香飄遠黃精味更鮮清風飄竹榻明月落花川天姥歸襟袖寒巖若比肩神皋誰敢闕應在避秦前

附回山縣東八十里山勢盤旋因名探稿

直嶺縣南九十里

小朱嶺縣南七十五里

界牌嶺縣南九十五里

練使嶺縣南八十里宋青州團練使戴質卜居嶺下因名探稿

清邑令采如正詩

嶺巔盤曲五千級喘喘行人無地息嶄然天險為關門一夫當之萬莫入往時絳首衆十萬快馬長刀電馳疾躊躇只入黃婆灘一寸煙鄉進不得山民堵賊亦何勇萬竈免罹劫灰黑至今石壘高峨屹猶若巴中劍閣立下有良田足耕種牛羊雞犬常無失壯夫捍禦閭里

新昌縣志卷二

山川山

筆架山縣南八十里三峯特起形如筆架探稿

東安嶺縣南八十八里

石蟹嶺縣南六十五里

夾溪嶺縣南九十里溪夾於兩山之間故名

韓妃嶺縣南五十五里有韓妃墓萬歷志

台頭嶺縣南七十里世傳梁開平以前屬天台管轄吳越王始割之一

石為級如梯階然故名探稿

下洲嶺縣南五十里

寨嶺縣南八十七里

求坑嶺縣南八十五里

石柱嶺縣南七十三里

其在安頂王會之間有原於天台仍與王會同脉者曰泄上山盤

亘五六里亦南鄉一小支山

泄上山 在彩烟東南俗名小萬年詳古蹟

其在安頂之西為東陽玉山東陽縣志由大盤山八十里至玉山四周陡峻特高於諸郡仍與安頂

同脉由玉山至鑿嶺大坂山安山其分支也由黃鏗至大天宮

山山雪降其分也 也由大天宮至朱尖山石柱山其分支也由朱

尖山至茶道岡步狼嶺古母嶺其分支也由茶道岡過木馬峻至

八面山俗名小遁山綿亘十餘里極棗園而止以上諸山均由玉

安如此干城當宣力西夷未靖方用武曷不推鋒衛王室

李間嶺縣南六十里

山而來自西而東與東鄉之山自東而西兩相對峙於西北

黃鏗嶺 縣南一百二十餘里與東陽縣交界萬歷志

大坂山 縣西七十里

安山 縣西七十里

大天宮山 縣西七十里

山雪降 縣西七十里

朱尖山 縣西八十里

石柱山 縣西六十五里

茶道岡 縣西六十里

步狼嶺 縣西六十五里

新昌縣志卷二

山川山

古母嶺 縣西六十里

遁山 縣西四十里綿亘二十餘里有支遁故居一統志山下有

上馬埠山頂有放鶴亭今其遺址猶存探稿

附紫微山 縣西七十里萬歷志

芝田嶺 縣西三十里萬歷志

鏡嶺 縣西五十里通台溫孔道探稿

風火嶺 縣西三十五里萬歷志

十八曲嶺 縣西五十五里旁植古柏用石砌成爲壁探稿

天姥山之右而屬於東鄉者曰菩提峯曰羅坑山曰黃柏尖曰大湖山皆東鄉諸山之祖其在東南隅而懸屬於天台甯海界中者則俗所謂插花地也

菩提峯發脉華頂山天台縣志華頂山峯巒重疊如千葉蓮花此山爲華心之頂故名華頂由關嶺龍王

堂岡直上固中國東南大幹山也其由菩提峯龍架山經堯阮過銅阮至朱部及雅坑極於香爐峯下為沃洲此為東鄉大支山又由菩提峯別出桃墅巖至東山地一出黃檀一出蕉坑則為菩提之支山矣

菩提峯 縣東八十里與天台山接有石似佛故名萬歷志

堯坑峯 縣東八十里崔嵬峻峭高千丈周十里萬歷志

香爐峯 縣東三十五里

附梓山 縣東八十里舊有梓木故名萬歷志 九峯山 縣東六十里萬歷志

兜峯山 縣東四十里萬歷志

羅坑山由龍架至奇巖度燕子坑起大麥山盤折五十餘里跨朱

新昌縣志卷二 山川山 十

母嶺循崗右折孤峯峭拔者東岬山也為東鄉之主山

羅坑山 縣東八十里

朱母嶺 縣東六十里洪武時知縣賈驥過嶺腹甚饑出所懷

乾餅啖之時有父老自山谷中持蜜湯以獻不受乃謠曰清泉

不與盜泉同何事賢侯忍腹空從此區區朱母嶺行人今古挹

清風萬歷志詳古蹟

東岬山 縣東四十里一名望遠尖俗名水簾尖萬歷志詳古蹟門

附雪斗山 縣東八十里巖壁峻峭中懸瀑布下為浴絲潭

金坑山 縣東八十里出礮石

細嶺 縣東七十里 寨嶺 縣東五十里萬歷志

小金山 縣東八十里中有小曲軒竹林居士寓之

大嶺 縣東七十里

由東岬右折而下過青石白石至大市聚逕西河轉坑西從風崖
降至同坑嶺縱橫二十里中為鼇峯四面皆峻俗總名為山背

鼇峯 縣東三十里四面相距各二十里上有小山盤伏如鼇

故名鼇峯 萬歷志

宋楊萬里宿梁總之宅詩
四面環溪溪外山置身渾在水雲間山中隱者頭如雪清夜安眠白晝閒

同坑嶺 縣東二十里

附沃洲山 縣東三十里高百餘丈
周十里與天姥對峙

一統志詳
古蹟門

楊公山嶺 縣東三十五里

銀硃嶺 縣東三十里其土色
紅似硃 萬歷志

東塢嶺 縣東三十里

展誥山 縣東三十里
萬歷志

旋網山 縣東二十里山頂有巖鬼聳峭
峻幾十餘丈其形如網 萬歷志

新昌縣志卷二

山川 山

下東嶺 縣東三十里

千官嶺 縣東二十里本名
僉判嶺 萬歷志

支遁嶺 縣東二十里

由同坑嶺而下經草蓬山踰高蟠嶺出大元降過青益嶺至金扇
及蟠龍下極花田而止計由羅坑至花田自東而北百有餘里為

東北最長之支山

草蓬山 縣東二十里

高蟠嶺 縣東十五里

青益嶺 縣北十里 萬歷志

花田嶺 縣西北十里一名醴泉嶺與嵯縣接界 萬歷志

附五峯山 縣東北十五里
萬歷志

渡王山 縣北十里
萬歷志

鬪雞山 縣北十五里兩山之首昂然而前若鬪雞狀與石塚山對峙
萬歷志

甘棠山 縣東十里
萬歷志

五馬山 縣北一里一名五龍山其下有光鼓潭俗稱五馬飲泉
萬歷志

宋李從訓詩 北山從何來崑崙爾鼻祖并包河與江考歷不能譜近推連括蒼繼乃至天姥既而南入台盤桓遂東下嵯峨起東岬沃洲猶牆堵孟塘五山頂樂祖舊遊處時髦集松下抵掌道今古秀分爲五龍駢首飲平楚環縣如負辰爲縣護生聚隱岳聳其南西隅列旗鼓其間諸名流晉宋最旁午我慚貂尾續于汝竟何補登樓覽清秋黃菊滿樽姐

新昌縣志卷二

山川山

持螯送新酒醉爲山起舞人生行樂耳無徒語羊祜

明呂獻詩 雨後烟雲散五花昂藏聯隊飲溪涯我來猶道淮陰守露冕行春向若耶

茹葫山 縣北十七里

石塚山 縣北十四里

夾坑嶺 縣北二十三里

盧家嶺 縣東北五里
一作虞家嶺 萬歷志 原志

打石巖嶺 縣北二十里
與嶺縣接界

其由羅阮南奇巖山越大鳥嶺天台上摘星嶺天台至疊石岡鳥曲山

左支至樺樹岡王家广止右支至望海岡楊广止方圓三十里爲

裏梁山 縣東十里一名仙橋
萬歷志

畫眉山 縣東十里
萬歷志

孟塘山 縣東十里宋尙書黃度建愛山亭於頂自爲之記
萬歷志

獨秀山 隴獨峙山下爲醴泉村有靈山洞
原志

明章胥民靈山洞詩 石洞嶙峋鎖白雲光風霽月淨無塵桃花流水春常在別有乾坤轉化鈞

獅子山 縣北二十里
萬歷志

碁盤山 縣北十里

鳳凰山 縣北十里

大嶺山 縣北二十五里

石馬山 縣北二十三里

覆鑊山 縣北二十里

鐵頂山 縣北二十里

平頂山 縣北十八里

萬松山 縣北三十里

蔀屋嶺 縣東北二十里
萬歷志

石丁嶺 縣北十五里
萬歷志

方廣嶺 縣北十五里
萬歷志

新邑插入天台甯海界中一部分其水則南流於甯海矣

烏曲山 縣東南一百十五里

釋樹岡 縣東南一百五十里

望海岡 縣東南一百三十五里

附應家嶺 縣東南一百二十五里

張家嶺 縣東南一百三十里

自疊石岡東北度上營嶺天台上落露岡天台逕深坑山天台至望海岡

而蘇木嶺而第一尖而黃柏尖其中有二支一自望海岡至溪口止一自第一尖至莒溪止

蘇木嶺 縣東南九十里一名松木嶺與甯海接界 萬歷志詳古蹟并大事記

第一尖 縣東南一百里 萬歷志

新昌縣志卷二

山川山

黃柏尖 縣東一百里高二千五百丈周八十里登之可見東

海一統志

附釣船山 縣東南一百里萬歷志

香櫟山 縣東南九十里在三涇村

石籤山 縣東南九十里在礦石在中溪村

象鼻山 縣東南七十里形如兩象交鼻元時遣兵鑿斷地脈其跡猶存萬歷志

其由黃柏尖至高橋岡過巖嶺出小山峯極王官人山此為東鄉支山之長者

高橋岡 縣東八十里

巖嶺 縣東七十里

小山峯 縣東三十五里

王官人山 縣東三十里

近附雪溪山 縣東八十里高五百餘丈圍二十里攢峯數重

其地陰寒多雪山中溪流盤繞謂之雪溪亦剡溪上源一統志

其東有石棋枰鐘鼓巖其南有筆架峯文筆峯其西有石印眠牛石

靈貓石香爐石松花石攢峯列戟交數十里其水緣崖而下飛瀑如雪故名

萬歷志

九角嶺 縣東七十里

其由黃柏尖至大磊山而榧林尖而大極山而蜂蟻尖至剡界嶺其中有二支山一自大磊山至大馬峯極棠洲而止一自蜂蟻尖上大木山極合溪而止

新昌縣志卷二

山川山

大磊山 縣東九十里

榧林尖 縣東九十里

蜂蟻尖 縣東九十里在蔡畧

剡界嶺 縣東八十里

大馬峯 縣東八十里

大木山 縣東八十里

近附紫牛坑嶺 縣東八十五里

白竹嶺 縣東六十里

馬巖嶺 縣東八十里

界牌嶺 縣東九十里

黃坑嶺 縣東八十里

尖坑嶺 縣東八十里

後降山嶺 縣東七十里

石貓坑嶺 縣東七十里

其由剡界嶺上大湖山過陳公嶺王罕嶺下岡路起顧東山極蟠龍岡而止為東鄉支山之大者

大湖山 縣東八十里 萬歷志

陳公嶺 縣東六十里又名成固嶺 萬歷志詳寓賢并古蹟

宋陳著回剡過陳公嶺詩漫仕當閒遊歸程更自留嶺高雲送脚路險石垂頭家近聽鄉語山分認水流溪橋聊小憩雙路去悠悠再回剡宿陳公嶺詩夜宿雲間第一峯一雞鳴動萬山空薄餐菜飯留中火牢著芒鞋踏上風高處更無塵隔礙滿空惟有理玲瓏此時此意平生樂山下人誰此樂同

王罕嶺 縣東六十里 一統志

顧東山 縣東五十里 萬歷志

附 朝陽嶺 縣東六十五里

白沙嶺 縣東五十里

巖頭北嶺 縣東四十里

大嶺 縣東五十里
胡家嶺 縣東四十里

新昌縣志卷二

山川 山

其由大湖山北經嵯上隴村入洞橋嶼上平湖七星峯下箭箬嶺上白象山過伏虎嶺衍為平岡北經茅洋坪西至蘭洲山下富家山極龍舌頭自東而北可八十里亦東北一大支山

平湖山 縣東三十里俗名胡卜大山

箭箬嶺 縣北三十里

白象山 縣北二十七里

伏虎嶺 縣北二十五里 萬歷志

蘭洲山 縣北二十四里 萬歷志

富家山 縣北二十里

附 天馬山 縣北三十里

蓮花山 縣北二十八里

王家山 縣北二十五里

犁壁山 縣北二十里

楊家嶺 縣北二十五里

蟠龍山 縣北十三里

懶蛇嶺 縣北三十里

大巖嶺 縣北十二里

其在黃澤之北又有飛鳳山為新邑插入嵯地而屬四明山之餘支矣

新邑凡三大溪縣治瀕東溪其源有二一天台石梁一南洲羅坑

東溪 縣東一里其源東南來自天台石橋瀑布水北逕石筍

出青壇別一源東南出南洲北逕小將與青壇水合流入羽林

又一流南出黃杜北逕天姥出羽林合流入縣出三溪

嘉泰會稽志按黃杜天姥之水西流澄潭溪並未入東溪也詳古蹟

新昌縣志卷二

山川

天台山之水由石梁入時新會於茅洋此由天台入新之水也由茅洋逕白菊至黃壇石磁坑自西注焉

石磁坑 縣東南七十里發源萬年山合董家坑同流至黃壇

入於溪

由黃壇逕嶺根蕉坑細茅洋水自東注焉

細茅洋 縣東南四十里源朱部山西流入蕉坑

由蕉坑至桑園其下則為沃洲矣

沃洲 縣東三十里自桑園分派石筍匯流中壅沙潭長里許

者曰沃洲相傳白道猷嘗卓錫於此

東岬志畧

南洲之水自雪斗山而來西至小將與羅坑之水會於雙溪橋出

方口掉埠頭至青壇大坑水自東注焉

大坑 縣東四十里一源朱母嶺一源青斗潭合流西入青壇

附靈龜潭 縣東七十五里在羅坑山

青斗潭 縣東四十里在水簾南神龍宅焉嘗聽經於潛

公座下今禱雨輒應 東岫志略

錫杖潭 縣東三十里在沃洲山下唐僧靈徹之故迹

嘉泰會稽志

浴絲潭 縣東七十五里在麟角村

求豐潭 縣東三十里在西嶺山下有燥龍洞水龍洞各一求雨多應故名求豐

探稿

由青壇至桑園與石梁水合逕溪東溪西至英巽赤土溪自東南注焉

赤土溪 縣東三十里發源會墅嶺經斑竹入赤土西流入東

新昌縣志卷二

山川川

溪 萬歷志 古惆悵溪也發源芭蕉山逕斑竹赤土西則木隊山水

入之東則西尖山劉門山水入之 探稿

附芭蕉潭 縣東五十里在芭蕉山故名

高蟠潭 縣東二十里俗傳白龍母所棲歲旱祈之有應

萬歷志

宋李拱辰詩

雲送龍宮歸海藏雨隨車輦滿山來老農預有豐年喜餉我晨餐酒

盃一

由英巽至平川橋柘溪石溪自南注焉

柘溪 縣東南十里源出天姥山 嘉泰會稽志 按天姥之水未嘗入柘溪也 柘溪發源

九巖山經瑤宮天聰山水入之過梨木小余山水入之至柘溪

舖王婆亭水入之經長坵田與石溪同入平川橋探稿

石溪 縣東南八里一名石筍溪發源天燭山北流至長坵田

與柘溪同入平川橋探稿

由平川橋而下至護田潭經縣治自東而北而西三面環城若襟帶然其支流由東而南而西者又有石牛溪

石牛溪 縣西二里源出天台山瀑布嘉泰會稽志 按天台山瀑布東溪之源也若石牛溪源

於挂簾山由東門南門西門而會於東溪耳

附彈子潭 東門外五里 萬歷志

白泉潭 在南明山俗稱石佛座下有白泉潭

由縣治西北至三溪潛溪自東南注焉

新昌縣志卷二

山川 川

潛溪 縣西十五里舊名前溪源出馬鞍山經縣西後溪村為

三溪合流入嵎縣界一統志發源馬鞍山繞陽坑經袁畧後為三

溪合流至嵎萬歷志

附灰步潭 縣西十五里有石梁可渡 萬歷志

白象潭 即百丈潭 縣西十五里在袁畧百丈巖下 萬歷志

明邑人呂仲春詩 荷竿過石梁不覺日云暮歸來山月高 清陰滿山路

由三溪逕五都至黃泥橋入嵎為剡溪

附白龍潭 縣西十五里

牛車潭 縣西二十里 在五都村

西曰澄潭溪其源有三一為夾溪一為門溪一為黃渡溪

澄潭溪 縣西三十里其源西南自東陽北出夾溪過穿巖別

一源南自天台出墓門溪東轉韓妃溪逕西與穿巖水合入於潭又西北流入剡溪嘉泰會稽志

夾溪之水源東陽善公嶺出藤溪經安頂山麓折而西北流為練使溪

夾溪 縣南九十里玉山煙山夾峙故名

附三州潭 縣南九十里一名天池 在安頂山巔深不可測

水出天台界

斗尖潭 縣南九十五里
石香潭 縣南九十里距渡河村二里

磯甘潭 縣南七十五里在練使溪

自練使溪而下為朗渡溪自朗渡溪而下至於雙溪口桂溪自西注焉

朗渡溪 縣西三十里發源東陽界隨山流行於彩煙之間過

竹潭至槐潭入剡溪萬歷志

桂溪 縣西五十里發源門巖山合步狼嶺古母嶺諸水會於

西坑村東流入雙溪口

自雙溪口下里許至左于村韓妃溪自東注焉韓妃溪有二源一

曰門溪一曰黃渡溪

韓妃溪 縣西五十里源與朗渡溪同萬歷志

門溪之水一源直嶺一源柘溪出十六都下為丹溪合黃渡溪而出韓妃溪

附 鈞鉗潭 縣南九十里

—— 鐘潭 縣南八十五里

丁公潭 縣南六十里
在官田頭

馬龍潭 縣南七
十里

泄潭 縣南六十里在李
間村又名雪竇

澗潭 縣南六
十五里

黃渡溪之水發源萬年山經黃渡橋出雙溪合門溪而出韓妃
溪

自夾溪門溪黃渡溪合流為澄潭溪經梅渚出田東乃為剡之了
溪矣

梅渚 縣西三十里地多梅旁有聚落名梅渚村 萬歷志

附竹潭 縣西六十里
近 萬歷志 龜巖潭 縣西三十里近槐潭有石
象龜下有放生池 原志

北曰黃澤溪其源有二一自三坑蘇木嶺一自沙溪剡界嶺

黃澤溪 縣北二十里源出四明奉化由沙溪西南入剡轉北

新昌縣志卷二

山川 川

至杜潭別一源出台州甯海由三坑西逕唐家洲紆繞三十六

渡北流匯杜潭水出嵯縣浦口 嘉泰會稽志 按杜潭在黃澤溪前沙
溪之水會於竹岸非至杜潭始會也三

坑之水亦會於竹岸
未嘗逕唐家洲也

蘇木嶺之水由二坑至溪口中溪自東南注焉

中溪 縣東南八十里源摘星峯北流入溪口

由溪口至莒溪細深坑自東北注焉

細深坑 縣東八十里源黃柏尖南流入莒溪

由莒溪至新庵橋疊石溪自東南注焉

疊石溪 縣東七十里源羅坑山北流入新庵橋

由新庵橋逕求塢李家溪紆繞三十六渡至於竹岸剡界嶺之水

自東北來會之

附 岸春潭 縣東四十里在水簾北有石澗自岬山來匯於潭深不可測兩旁石壁高數丈水流無聲上有椿樹甚怪覆潭上俗傳有龍潛焉

萬歷志

明里人禱雨有應詩

大雨雲霓嘆望多神龍為我放天河田疇水足枯苗秀從此家家鼓腹歌

剡界嶺之水由沙溪至合溪真詔龍溪自東北注焉

龍溪 縣東北七十里源蔡畧逕唐家坪真詔西流入合溪

附 龍溪潭 縣東北七十里在上徐其深莫測有龍潛焉

萬歷志

三井三潭 縣東北九十里上有三井下有潭山水奇險禱雨輒應

宋陳著詩

新昌縣志卷二

山川 川

大湖潭 縣東北八十里在大湖山頂天池數畝唐女道士王妙行投龍處也

兩崖削鐵上擎空下有靈潭與井同龍出世時磐石透水無底處洞天通餘波噴作雷霆怒大旱騰為霖雨功兄弟相攜看奇迹脚跟牢立嶮巖中

由合溪至唐家洲董村龜溪自東北注焉

龜溪 縣東七十里源雪頭逕董村生田西流入唐家洲

由唐家洲逕王家莊至竹岸與蘇木嶺之水合流至曹洲梅溪自東北注焉

梅溪 縣東三十里源陳公嶺逕胡卜西流入曹洲

由曹洲至欽村名廣溪烏石坑自南注焉

烏石坑 縣東北三十里源山背北流入廣溪

附 蟹坑潭 縣東北三十五里在平湖山谷中相傳有龍潛

雪潭 縣東三十里在鼇峯山下上有瀑布高挂巖端可二二三丈瀉於潭廣

此近地居民歲旱則祈之探稿一畝餘清澈可愛旱年禱雨頗著靈應
三井潭縣東三十里羣峯環峙各數十丈下三潭亦名
三井潭萬歷志

由欽村至楓潭名橫溪鷓鴣坑自北注焉

鷓鴣坑 縣北二十五里源箭箬嶺南流入橫溪

由楓潭逕藕岸大明市白峯坑自南注焉

白峯坑 縣北十四里有二源一五峯坑源葑屋嶺出石橋一

萬石坑源香爐岡出獅子山合於白峯坂西流入橫溪

由大明市至茹葫山下為黃溪逕前梁雙港口與岷金庭水合北
流分二支一向沙地而下一向茅桃樣而下中為沙磧長四五里
名龍舌頭至黃澤橋下復合為一北流岷境出浦口入剡溪

新昌縣志卷二

山川 川

二十二

附 **孟涇潭**縣北二十里在黃澤村

鷺鷥潭縣北二十里在黃澤村下今淤

新山邑也山水盤旋百有餘里山皆原於台水悉會於剡故山自東南而來水向
西北而去也統計合邑之山亦中國南幹之分支耳中國分三大幹曰中幹曰北
幹曰南幹南幹之山始於崑崙終於日本浙東之山若大盆若華頂皆南幹正支
之卓著者也故新邑王會關嶺蘇木嶺亦南幹之正支也則天姥安頂菩提諸山
非皆中國南幹之分支乎若水則會於剡溪自由江而入海矣
按地學今已失傳僅有堪輿一家尙知經緯俞君春山平日講求有素此次再四
易稿討論精審則云取資於陳挺華石以晉二茂才為最得力附此著之

水利

新昌在萬山中地勢欹仄故無圩塘陂蕩溝澮之類止溪流三派幹合枝分舊於水勢注處鑿溝分水引以溉田名曰礮渠礮置一長堤領之水利官親董其事農時則督田戶通力修濬灌溉以均民利賴之邇來礮頽圯壞水道多淤而豪強之徒多曲防裝確以專利焉噫利一己以害萬民彼專利者弗恤矣為司牧者可不為之利導耶萬歷志
古作邑者度其川源相其流泉地利民用兩相濟也而後樂利以興新邑三大溪流三時排注以滋農畝而行桴以運土物利在水也而害因之有宋東堤之修築者接踵可恃以無患行潦時至病涉多有規廣狹而成梁則皆其方之民力為之雖費弗恤也獨是城旁孝行一礮灌田百十餘頃田侯為之創始已而就圯後有修者徒費而罔功其可懲噎而廢食哉原志

東堤 在縣東袤延三里初溪水直通邑聚民常患水宋知縣林安宅始築堤以捍水勢後知縣趙時佐吳均佐趙師同樂經相繼修之明正統間水決虎隊嶺壞民田成化時淹沒縣治毀學

新昌縣志卷二

山川 水利 堤

二十三

宮門廡為患尤甚知縣李楫謀修未果宏治間知縣唐夔築大堤起白龍山案舊堤高廣視昔為倍而邑尚書何鑑時為御史實持其議未幾復壞於水知縣楊琛累石塞之增築子堤高廣視昔且三倍而尚書何鑑又與方伯雍某相贊成之嘉靖間水復決邑給事俞朝安署印通判江軾白於上官委推官陳讓知縣吳希孟董其役因舊址增築未竟知縣萬鵬成之後少壞知縣蕭敏道捐俸金三十兩募工修築而邑尚書呂光洵潘晟亦協贊焉

明弘治十年修撰錢福記

新昌縣治之東故有堤焉宋紹興間三山林安宅所築也浙之勝以天台稱而天姥南明諸山麗焉其為山既高且大則其源發而泉委者迅橫奔潰宜不可以力制也祥溪源發天台而天姥南明諸泉委之驟雨洪源為新邑患不小堤之築凡

以防是患也繼而修之者有趙師同樂經而其不可以久者則勢也乃弘治六年廣西唐希韶夔以名進士來蒞茲邑詢隱別蠹靡所不至有以堤言者曰其責在當修者為丈凡七十餘請於上官僉曰可於是泰和尹頌以紹興推官來按之議與唐合增修之功遂成而邑藉以無患創始於癸丑十月訖功於甲寅八月民不君勞帑不損費而其與有功者則典史石昂縣丞汪琦主簿周聰咸贊襄之邑封也走書介石徵余記其事余讀匠人稻人溝澮節宣之制而不知禹之功施於三代良有以也苟如其制雖洪水無禹亦可後代與地爭利縱不俟洪水禹即存亦未如之何而矧庸庸碌碌者哉若唐者詢而得諸細民不以奉命為功舉而合乎邦彥不以矯俗為賢即故而增修之舉得其中不以偏己見為智巧上下兩利官師罔病豈徒後之官新昌者當師而續之哉舉而措之天下可也唐與余為同年又同胄監知其非一邑所能獨專厥惠也而試徵之於石遂為之記

弘治十三年增修東堤祭酒李傑記
紹興之新昌為浙東壯縣入國朝來屢厄水患至是增修東堤成縣治始獲寧居而民始免墊溺咸謂宜有文以紀其蹟而縣學教諭陳君日淑輩以狀來請按新昌縣治自梁始分台析剡即石牛鎮為之其東南接天姥沃洲善提峯諸大山溪澗衆水奔注百餘里匯為東溪環於縣東而北折為剡溪一遇霖雨山水暴至則東溪泛濫洶湧勢不可禦宋紹興間水決覆船山壞民田衝縣治時閩人林安宅知縣事率民築大堤捍之起自小東門踰北門而止又築子堤於外以殺水勢自

新昌縣志卷一

山川 水利 堤

是縣不被患者餘三百年正統間水決虎隊嶺復壞民田衝縣治成化丁酉為患彌甚淹沒縣治毀學宮門廡民居盡壞死者不可勝計弘治癸丑縣令廣西唐君夔築大堤起自龍山接於舊堤計一百六十餘丈高若干丈凡六閱月而成丙辰夏水大漲潰所築堤數丈民又以為病縣令宜興楊君琛累石塞之且增築子堤其長視大堤高三分之二廣三分之一蓋皆因林公舊規而益其所未備由是東堤隱然如長城而水患可以永久無虞矣夫是堤為新昌一邑之保障縣治賴之以固民命賴之以全其所關係甚重初丁酉之無林安宅者世光時為監察御史今少司寇公世光憫鄉民之聊生且嘆有司無林安宅者世光時為監察御史以示同寅關西雍公慨然曰吾按浙江當築堤以衛民閣十餘載雍公累官浙江右方伯以其事屬縣治之而大堤成矣丙辰之水少司寇以巡撫南直隸副都御史居憂於家念是堤及樸庵志爰諗諸左方伯隴西閣公乃以其事屬縣治之而子堤成矣是二役也雍閣二方伯實總理經畫之可謂勇於救患者矣唐楊二令尹躬相度督率之庶幾知以成務者歟然而思患預防以倡遠圖周旋從事以畢先志則樸庵父子用心之仁尤可尚已於戲東堤之成諸公有德於新昌之民如此書鑿諸石非徒以示後之被其澤者俾知所自抑亦以告司民社於茲者增修俾勿壞焉可也

隆慶三年重修東堤參議俞則全記

邑治而山負壑川流斗注澇輒襄阜儻馳競溢叵測民惟屏長堤自固嘉靖乙卯海燠全集決堤潰城堤址僅存歷年塢嚙去城不尋丈墻淤瀦掌丙寅全吾蕭侯來視邑符繕垣諗勢登堤衛城堅廣踰昔去秋水漲台剡城悉陸邑城獨免闔闔

安堵咸頌侯能先事曲防云乃侯則不任受德復圖樹永固於茲邑顧時詘不忍刑民之力先是侯請發儲賑糶議適下遂諭丁壯待哺之衆俾事營築日給官粟若干咸竭蹶趨事仍揀耆民醇謹尙義者十六人監眠規度撻石畚土摺拓陴隘日數千指而民無齷石刀圭之費上下延袤數百丈幾百辰而事竣功茂姚遠矣士民相率建祠塑貌圖生祝侯復勒石堤所先乞余文之余惟宋王克臣以修撰知鄆州築堤城下時頗賦異及堤成而水大至城不浸者尺許民始繪像事之侯之叔號復齋者知鄆猶賴焉邑乘記宋令林公嘗因舊城築堤止水後入柄大政民思之不置尸祝迄今靡怠惟侯修堤護城與克臣事類而民之戴侯又將不啻前人之祝林公也矧侯惠利於民者甚鉅行將保障四方有不待余言者姑以復諸公之請

按此堤爲縣治故基自改建城後有外高內低之勢工程尤爲緊要宋時在林後者尙有史浚同修并爲籌歲修經費在明李後唐前者則又有縣令樂經以修築東堤爲惠於民稱并有張載議修見人物傳中於職官志無考雍正公名泰咸甯人通志亦有繼於此舉者

新昌縣志卷二

山川 水利 堤

二十五

後溪堤

在縣西十里爲洪水所衝膏腴百頃皆成砂磧知縣田

瑄令典史朱琳督工修築以捍水患

萬歷志

五都堤

在縣西二十里五都村高丈餘長五里許增

梅渚堤

在縣西二十五里梅渚村高丈餘長一里許民國年間

築增

黃澤堤

在縣北二十里長四里許年圯民國二年童知事

撥款補助堤外漲塗自東而西有地數百畝栽種竹柳以固堤防增

黃澤街叻

在縣北二十里黃澤街中由孟涇潭折流而入清康

熙四十七年峽民越界開礮穿田破坂撫憲斷令填還民田永

禁冒佔至今實利賴之

上沙堤 在縣北十七里丁家園后寺竹園邊清光緒二十五年
疊遭水災憲撥賑款三百元由城紳呂衷謙經理挑築民國三
年更由村人潘芝煜等募工接築以捍水患長八十丈闊十丈
增

中沙堤 在縣北十七里丁家園興龍橋下由潘鄙出資挑築以
保田畝長八十丈闊七丈增

下沙堤 在縣北十七里丁家園中沙堤下由育嬰堂出資挑築
民國六年更由進修學校出資接築長八十丈闊八丈增

後沙堤 在縣北十七里丁家園村後民國三年由潘文華經理

新昌縣志卷二

山川 水利 堤

二十六

挑築長八十丈闊十丈增

獅下堤 在縣北二十五里支淺礮口長五十丈高一丈闊一丈
二尺清光緒年間蘭洲麻車兩村共築增

長堤 在縣北二十五里蘭洲村左自礮棒巖起至蘭洲橋下止
長約八百丈中建石閘十五衛田百餘畝增

後溪堤 在縣北二十五里麻車村後由村人公築以保田廬增
庵前堤 在縣北二十五里麻車村上長五十餘丈高一丈六尺
闊一丈四尺由村人公築以保田廬增

礮

孝行礮 在縣南一里宋知縣林安宅所開自虎隊嶺導流入東

洞門繞南門而西由大佛橋達於三溪礮長十餘里溉田一萬三千餘畝附郭居民皆仰給焉正德嘉靖中水決虎隊嶺礮源長渠或淤或壞知縣涂相宋賢相繼修之後因水利不均民莫肯修築礮就崩頽田維仰賴雨澤萬歷三年知縣田瑄諭民協力修濬且為之均分其利五年復相度礮源溪水比礮為低因教民採木石築長礮堰溪水入礮又沿礮加土堅築登以石板於大佛橋洩水之處設巨閘以防旱澇建寶瓴以杜穿漏立均水牌以均灌溉而典史朱琳分督焉萬歷志

明兵部尚書何鑑礮記
禮記春夏之月審端徑術季冬大蜡則登坊與庸始而盡力焉終而報享焉古先王之慎重於溝洫也如是然則後之司民社者其可緩於修治乎邑西封疆直抵剡界無慮數千畝質厚而色正耕者宜焉然雨不時至則抱甕嗟嘆而已迨夫有

新昌縣志卷二 山川 水利 礮 二十七

宋之季三山林公來蒞茲邑始鑿渠與祥溪通引流於山峽間曲折而西以灌溉之於是旱魃之虐弗能及而西鄙之民賴以生養無憾者幾三百餘載矣厥後懷襄之患屢作每遭霖雨連夕則百川奔放怒氣噴薄聲如萬雷併力西向而有攻城破邑之勢獨五山旁出一枝兀若治鑄崩崩挺立而當之民居渠址賴免蕩析然於渠口受水之處適犯其衝既以激而為深潭則水與渠違行而林公之澤竭焉自茲以往動踰四紀田下而下而賦上而西鄙之民困於租徵棄為閒田散而之四方者多矣迨夫渠石垠岸決溢殆盡而東南之要道亦於是而阻絕焉予甚憫之謀諸執政者倚山為堤雖以便宜行旅亦以障洪流而為後之治渠者張本乃者西江之雋涂公名相字夢卜以妙年領高第出宰敝邑下車即為興廢舉墜之圖集父老於庭而謂曰渠之不洽令之辱也遂命駕出應台門登山以相其便宜遡流以測其高下而可否之幾昭然於料理間乃於舊渠之內緣山麓外倚堤岸增開三百餘丈以承上流沿堤而上將抵長坂有山嶄然壁立千仞洪水匯澤於其下堤實包之渠道之所必由焉侯以目準之得其可假可達之勢乃稍紆而就之莫知所為侯乃教以夾甃巨石縈繞崖旁中實填土以杜滲漏繼往續來較若畫一堅若天成其智巧過人有如是夫又為之殺水勢以疏其衝斥作複防以固其根概用心勲而為謀遠矣是役也任以老者之事食以壯者之食始於龍見而畢於日至民感其愛而得時故有子來之應焉渠成而農舉趾侯命決去壅土啓閘而通之行其泉而注之澤若建瓴然澤不能受則溢而復注於渠由是源而來十里之外一瞬可至向之間田復為沃壤矣西鄙之民秉耒呼忭莫不如志得以

源又設礮總於秋收時履畝歛穀為每歲修礮資然南郊挂榜巖下邑南諸山之水匯焉霖雨暴至山沙輒漲旋濬旋聚民苦於費礮仍不通田多仰賴雨澤咸豐二年知縣孫欽若視其故乃捐資鳩工自盛家橋沿城而南開新道以避其沙復於石牛鎮而下為壘橋以防南明山諸水之衝令舉人呂璋董司其事迄今數十年來負郭之田數百頃復為沃土

志稿

嘉慶八年知縣李品鎬重濬孝行礮舉人陳晃記
孝行礮為附郭水利之要自三山林公創之於宋涂公相宋公賢暨田公瑄修之於明鄉先生具誌其事於石彰彰矣然林公創之而不知後有虎隊嶺之決涂宋二公修之而不知後以水利之不均而廢田公築堰設閘以時蓄洩又立均水牌以平其利至完且密可為善後計矣而田公去後此事廢渠仍淤塞田卒汗萊失時不雨民且狼顧蓋百餘年於茲矣此無他董之無其人守之無其法接踵而更代之者無其經也往年旱乾晦不數莖邑侯李公憫焉乃修渠令下萬口同聲壅者淪之圯者築之三閱月而事歲並以虎隊嶺至礮口為放生池其分畝均水

新昌縣志卷二

山川 水利 礮

二十九

一如田公故事秋夏之交人待下流晦蒙嘉澍皆侯之賜也雖然林公善政絕續數四今即渠濬矣而不能令世世溶之何加乎涂宋二公之溶之也水均矣而不能令世世均之何加乎竹山田公之均之也侯之去不可挽侯之來不可期乃請以修礮公田附之隍廟兼立礮總履畝歛穀為修礮資令六堡司事者以次董之歲一更代不病於煩終而復始雖久不廢侯曰善既親記其事而去會一峯徐侯至復請憲勒示為善後計蓋詳且悉矣其修礮均水諸務暨一切歲時報賽章程並登簿正并勒碑陰如左
咸豐二年知縣孫欽若新開城南孝行礮道記
將為經久不敝之規則必清其源疏其流源遠而流以長流通而源不竭凡事皆然而礮水其較著者也考誌載邑內三十礮而附城者孝行礮是也創始於宋紹興二年林公安宅而繼修者則有涂公相宋公賢設閘以防旱澇立牌以均灌溉尤稱田公瑄之功不衰其年月具詳縣志我朝嘉慶八年李公品鎬復修焉礮長十有餘里灌田百有餘頃其利溥矣然而旋興旋廢者何也礮導源於縣東虎隊嶺經祥溪入洞門迤邐而西至掛榜巖而城南諸山之水匯焉近日開種者多一逢夏秋雨水盛行流沙噴注其來也泛濫澎湃有以濁欺清以強併弱之勢礮被害者數矣以故興修後或七八年而廢或五六年而廢或二三年而即廢咸以為礮可興而不可久民皆艱於修築謂其勞而無功也已西之冬邑紳即選縣令呂君巽士向余而言曰數十年來民之苦旱乾者以礮水之壞也礮利之壞以沙淤之積也曷開新道以避之余曰民事也不可緩而議者又謂由舊則易於樂成開新則難於經始余曰不然自來成大功者不惜小費有遠慮者不為近圖嘗巡城

外步山椒察其地勢相其流泉而得所以避沙者爰延致仕山西黎城知縣陳君
蓉臺並耆紳陳君酉山俞君北屏呂君松巖議之僉曰可而仍推峩士為監修次
年庚戌春鳩工庀料掘地導水余每輕與視之則見峩士冒風雨戴雲日塗首垢
面而督工無倦容兩閱月新碑告竣自盛家橋分而注之向之所為橫溢充塞者
至此而不滯矣雖然猶懼其壅也孝行碑由石牛鎮而下南明諸水截流而過故
又為舉橋以防其衝而後下流順道即來源亦得其歸其經久而不散者歟辛亥
春余交卸北上壬子奉飭回任來至縣而途中父老喜相告曰邑之比歲豐稔者
修碑之利居多余曰是峩士之勞也而衆紳之助也而民則曰乃公流澤無窮也
傳霖郁黍銘於亭矣余聞之遜謝不遑遂述其巔末以俟後之宰斯土者隨時濟
築庶幾有興無廢也並屬峩士載列條規請少尉李君樹門督理之以垂不朽云
是為記

南隄碑 與東堤毗連卽孝行碑地亦由田侯所修築評本云城堤

為蕭顯所營嘗禁其侵占亦未詳何官何時任在田公前後否

茲并附著之

明萬歷六年兵部尙書呂光洵南隄亭記

漢循吏惟文翁邵信臣令績最著文翁治蜀以教作士邵信臣治南陽以水利民
蜀去長安人遠地僻漢初政教未敷文翁請置學宮取民間雋秀為學宮弟子身

新昌縣志卷二

山川 水利 碑

三十

自課飭數歲皆明經循行與齊魯班矣邵信臣與民興利常行視水泉開溝洫通
灌注郡中莫不向化力田孝悌治行常為天下第一徵拜九卿史稱邵父云夫循
政亦多術矣惟水之利廣而教化之功大古今傳志所稱於斯二者蓋班班可考
焉吾新昌編小居越上游介於台寧間地多隆阜苦旱即負郭畝種之田猶鮮源
泉仰注南澗南澗循麓坎引於台寧間地多隆阜苦旱即負郭畝種之田猶鮮源
堤固田以澗映民利久矣久而堤漸圯澗漸涸田苦乾旱因循不治民甚病之前
年竹山田侯治新昌至即問民利病與之興革而休息之身為恭儉示彝憲明
軌獲發號施令咸成本人情簡約明備然後下之民咸胥悅尤謹庠序之教樸棧甄
陶善莪並育聯儻以樂羣會文而昭業譽髦之士彬彬興於禮讓不啻文翁之教
行西蜀矣於是興廢舉墜為民永圖民以治堤行澗告侯曰民事也不可緩赴之
躬行相閱度其地之高卑校其土之疎密計工量費畫一以令民咸歡欣赴之
不逾月澗浚而深堤隆而固工乃告成又為均水約束啟閉以時先後有序其於
瀦泄灌注之法無遺慮矣即信臣之南陽奚加焉邑之北迤東而南附城為堤其
勢崇聳西臨野呀然獨缺民以風氣虧泄告侯將鳩材聚工築於西南兩岸之
間民不勞工不費卑者隆缺者匝綿巨聯屬屹然鉅防而風氣益完邑居彌
固保民裕衆之道莫大於是侯曰可且誡曰致工諸生儻與邑之耆舊過詢請
書石示後以保令續於無疆非以誡侯之德也侯之德在人心不在言辭云於是
略叙其始末而系之詩曰惟茲巖邑在剡之東山溪委迤形勝斯隆有堤屹焉
亘於北塘惟溪瀦瀦是依是繁析而為渠於農有功以灌以注百頃咸豐既
久弗治弗庸旱乾為災三農懔懔惟我令公克儉克恭視我民瘼若恫在躬乃相

乃度是經是營令我民庶民咸即工勿遽勿亟勿怠勿慵乃底厥績澤潤無窮匪
日澤潤風氣攸鍾儲祥毓秀奕奕融融民之居之載安載榮惟千萬祀戴我令公
惟千萬祀咏歌雍雍

司訓莫旦石氏風水辨
縣令林公開渠穿井凡所興建皆為利民計也而說者謂陰壞石家風水吳江莫
且為之辨曰且聞諸父老謂石氏盛時城中皆其居址林公謁見編修石斗文之
父悅可悅不可不見止出雙履戶外林公深銜之然不免再拜而退東門外有山如
龜而通衢界其間鋪以鵝卵石若鱗甲然風水家謂龜蛇相交形也林公乃鑿斷
龜頭而開礮有石如牛而鼓山列其前激以溪流填然鼓聲風水家謂擊鼓迎牛
形也林公斷去牛頭而殺溪聲又開池山頂則鼓面破矣他若遷學築隄皆使泄
秀氣用是石氏同日去官者若干人而其後遂以不振嗚呼且竊以為斯言也好
事者為之也夫簡賢傲物禍也敬恭桑梓古今通義也悅可雖貴勢惡敢遂慢其
邑令乎借使有之以林公德量當付一笑而去肯拜其雙履乎既拜之又陰謀以
禍之則林甫之笑中刀也而謂林公為之乎今所開渠溉田萬餘畝七星井便汲
千餘家遷學而踵公卿築隄而除水患皆一邑無窮之利也而曰陰壞風水不亦
冤乎且不忍先達以利民而受謗也故為之辨

新昌縣志卷二

山川 水利 礮

斗文宗昭石氏之最著者咸於紹興甲子之後烏在其為不振也石氏外若黃呂
俞潘家盡在城中紹興後相繼而興使風水既壞何獨不關諸家耶意者開渠鑿
井邑人有所不欲因而起謗堪輿家欲神其術從而傳播石鼓不鳴石牛不動之
說流聞江左兒童皆能道之迄今在人唇舌間不知其妄也化故為之廣其說

醴泉礮

縣西北五里從光鼓潭下歸水經
白巖前至醴泉灌田三百餘畝

鼓山礮

縣西北五里即黃龍礮從鼓山後歸水經
石演樓頭至上下三溪灌田七百餘畝

新開礮

縣西十里在壩頭村從潛溪歸
水至周村山灌田九十餘畝

清泉礮

縣西五里自鑼山下經塔山脚石柱
灣至後溪村長八里許 萬歷志

谷陳礮

縣西五六都
萬歷志

侯村礮

縣西十三
里增

改石板礮

縣西十里元
舉村增

馬鞍石礮

縣西十里元
舉村增

周村礮

縣西十五
里增

五都礮

縣西二十
里增

洋碾礮

縣西十里元
舉村增

屋棟巖礮

縣西十里元
舉村增

青山礮 縣東五里青山頭村 萬歷志

石甘礮 縣東十五里王泗洲村 增

紅巖礮 縣東二十六里前岸村 增

吳崑礮 縣東二十五里 萬歷志

鴨晒坂礮 縣東二十里 增

象湖坂礮 縣東十六里 增

紅巖礮 縣東三十里赤土村 增

九間廊礮 縣東三十里 增

黃壇礮 縣東五十里 增

下坂田礮 縣東七十里道墅畧村 增

水簾礮 縣東八里羽林坂 灌田四百餘畝

蘭沿礮 縣東二十里 增

長詔礮 縣東二十七里 萬歷志

石佛前礮 縣東二十里小石礮村 增

王家礮 縣東二十里 增

壺口礮 縣東三十里 增

黃家礮 縣東三十二里燕窠村 增

落馬橋礮 縣東四十里斑竹村 增

和家礮 縣東六十五里毛洋村 增

六石礮 縣東九十里芹塘村 增

新昌縣志卷二

山川 水利

礮 三十二

三坵礮 縣東六十七里讓里村 增

大殿下礮 縣東七十里石滋村 增

大坂礮 縣東二十七里十字路村 增

大麥溪礮 縣東七十里裏小將村 增

塘下坂礮 縣東七十五里南洲村 增

烏坵坂礮 縣東八十里中央塢村 增

徐家坂礮 縣東八十里麟角村 增

下意礮 縣西二十五里 萬歷志

澄潭礮 縣西三十里 增

左於礮 縣西五十里 增

滑溪礮 縣東七十里石滋村 增

青壇礮 縣東三十里 增

幹珠坂礮 縣東六十八里外小將村 增

五石礮 縣東七十五里坑裏村 增

裏角礮 縣東七十五里南洲村 增

曹家坂礮 縣東八十里麟角村 增

山泊礮 縣西三十里 增

梅渚礮 縣西二十五里 萬歷志

龜巖礮 縣西四十五里 萬歷志

左過礮 縣西五十里 增

穿巖碛 縣西五十里

染口碛 縣西七十里

練使碛 縣南七十五里 萬歷志

芸溪碛 縣南七十里

靈巖碛 縣南五十里

倉潭碛 縣南五十里 沙灘村 增

亭家坂碛 縣南六十五里 溪邊村 增

楊郎碛 縣南六十里

坑里碛 縣南七十里

漚潭碛 縣南六十里

津溪碛 縣西六十里

大用碛 縣西五十七里 萬歷志

鏡澄碛 縣南七十五里 練使嶺脚 增

韓妃碛 縣南五十里

年豐碛 縣南七十里 市場村 增

砂綠碛 縣南七十里 市場村 增

瀾坂碛 縣南七十里 家田村 增

藤邱碛 縣南六十里 溪邊村 增

前洋碛 縣南七十里

丹溪碛 縣南六十里

新昌縣志卷二

山川 水利 碛

前山坂碛 縣南六十里 下巖村 增

黃渡溪碛 縣南五十五里 外嶺嶺脚 增

冷潭碛 縣南五十五里 黃渡里村 增

大方坵碛 縣南五十五里 黃渡里村 增

殿前碛 縣南七十里

宦塘碛 縣東五十五里 儒畧村 增

毛羊碛 縣東六十里

平答碛 縣東七十五里 雪家坑下 增

鴨嶺碛 縣東七十里

新成碛 縣北二十里 黃澤村 增

礪潭碛 縣南六十里

西坂碛 縣南五十八里 華藏寺外 增

吳家碛 縣南六十五里 馬家村 增

大頭碛 縣南五十五里 黃渡里村 增

清剛碛 縣南六十里 溪庵裏 增

廿石碛 縣東六十七里 皇渡橋下 增

橋下碛 縣東六十七里 皇渡橋下 增

十六石碛 縣東七十里 嶺嶺前 增

三畝碛 縣東六十九里 裏趙村 增

周家碛 縣北二十里 黃澤村 今淤

馬郎礮 縣北二十里黃

庵前礮 縣北二十五里

楊柳礮 縣北二十里

茹葫礮 縣北二十里前

大巖礮 縣北二十二里

石馬庵礮 縣北二十五里

曹洲礮 縣東三十里

烏龍礮 縣東三十里

石沿坂礮 縣東三十里

銀硃礮 縣東三十里

螺螄礮 縣北二十五里蘭

后塘礮 縣北二十五里

支淺礮 縣北二十五里獅

高巨礮 縣北二十里丁家

馬郎礮 縣北二十五里楓潭高

竹絲礮 縣北三十里

小溪礮 縣東三十里

香林礮 縣東三十里香

牛頭礮 縣東三十五里

大青礮 縣東四十里嚴

新昌縣志卷二

山川 水利 礮

三十四

石猛礮 縣東四十里嚴

沿溪坂礮 縣東六十里

麻車坂礮 縣東八十里

冷港礮 縣東八十五里

奇巖礮 縣東八十五里

梅樹板礮 縣東九十里

下坂礮 縣東九十里

旁山礮 縣東七十里開

新澤礮 縣東七十里董村

鴛鴦礮 縣東七十里董

丹坑礮 縣東四十五里

碓下潭礮 縣東七十里

門前坂礮 縣東八十里

中溪礮 縣東九十里中

大廟礮 縣東九十里三

黃沙礮 縣東九十里

大坂礮 縣東六十五里

下村礮 縣東七十里開

門前礮 縣東七十里董

大坂礮 縣東七十里董

前山礮 縣東八十里
雪溪村 增
沙邱礮 縣東八十里
雪溪村 增
大礮 縣東七十里
真詔村 增

龍王礮 縣東八十里
雪溪村 增
大礮 縣東五十五里
唐家洲村 增
螺螄礮 縣東七十三里
上徐村 增

泮池 縣治南
學宮前

月弓池 縣東六十八里
外小將村 增

郡馬池 縣東九十里
雪溪村 增
宋董汝為鑿

鳳凰池 縣北十里
渡王山王氏宗祠前

普濟池 縣北二十里
前梁永思祠左側

滌薇池 縣北二十里
蘭洲竺氏宗祠前

塘

夾溪塘 在縣南
嘉泰會稽志

後明塘 在縣北
萬歷志 原志

北門塘 在縣北
萬歷志

北鎮關帝廟塘 在縣北
原志

新昌縣志卷二

山川 水利 池塘 三十五

半畝塘 在迴瀾橋
內 原志

新塘 在縣東三里
嘉泰會稽志

泄塘 在縣西南七里
長廣三十畝 嘉泰會稽志

夾路官塘 在西郊橋邊
左右各闊一畝 萬歷志

官塘 凡六處
雪塘在一二都醴泉塘
盧家塘俱在四都上馬塘
在五六都坑下塘在八九都
北池塘在十四都俱官修
濬以備灌溉 萬歷志

胡思塘 在縣西二十里
萬歷志

紅巖塘 縣西二十里
南巖寺口大十餘畝 增

上寺塘 縣西二十里
南巖寺下大四畝餘 增

下寺塘 縣西二十里
南巖寺脚大六畝 增

面前塘 縣西二十五里
坂田村大三畝 增

流兜塘 縣西二十五里
平水廟村大四畝 增

店前塘 縣西二十五里
山頭村大三畝 增

長塘 縣西十五里
趙婆窰村大四畝餘 增

六圓塘 縣西二十五里
平水廟村大六畝 增

袁大塘 縣西白鶴廟後
大七畝 增

長塘 縣西二十四里
鐵牛村大二畝 增

香園塘 縣西十里
勘頭村前大六畝 增

下坂塘 縣西十里
勘頭村下大五畝 增

門前塘 縣西十里
張家莊村大三畝 增

放生塘 縣西十里張家莊村增

上下疊塘 縣西二十里五都村大七畝增

宅前塘 縣西二十五里梅渚村大四畝餘增

回塘 縣南六十五里下新宅楊都憲坊內增

半月塘 縣南八十里回山村里人楊杉鑿增

大宅里塘 縣南七十里大宅里村增

皇嘉塘 縣南八十五里黃家堂村增

陳家塘 縣東七十五里董村蟠松陳宅增

毛裏塘 縣北麻車村清乾隆間陳省喬開上塘陳華榮開下塘增

上山井泉塘 縣北七里三透屋村增

王孫塘 縣西二十里五都村大十餘畝增

廟湖塘 縣西二十里龍亭山脚大三畝增

長塘 縣南六十五里上宅村增

大塘 縣南七十里黃家市大六畝許增

宅下丁塘 縣南八十里宅下丁村增

樟花塘 縣南七十里樟花村增

下靈塘 縣東五十五里儒舉村潘葛築以備災并資灌溉增

石家塘 縣北二十里黃澤周家碓口增

新泉塘 縣北二十五里蘭洲村增

周家塘 縣北二十里藕岸村增

新昌縣志卷二

山川 水利 塘

三十六

橋頭塘 縣北二十里萬石村增



